

սառած թեւերով վայր ընկնում բակերի աղբի մէջ: Նրանք ապրում են մեր ճակատագիրը մեղանից աւելի ներուժօրէն, եւ մեր ենթագիտակցութեան մէջ կատարուող դրաման նրանք վեր են ածում փողոցային խաղի, անդիմադրելի ընդզուժի ըմբոստացման...

Երախաները ամբողջ իրենց էութեամբ, գգում են գալիք դէպքերը: Երկրաշարժային գործիքների նման, նրանց անձը նախադրում է ճակատագրի ոտնաձայնը: Նրանց միամտութեան մէջ մոզական մի ուժ կայ, տեսանողի կարողութիւն, ու նրանք անհանգիստ են գրնչունների նման: Յիշատակներին դիչերուան մէջ քանի քանի՜ մանկական նայուածքներ են վառվրում հեռաւոր աստղերի նման:

Մեծ քաղաքների արուարձաններում տեսած մանուկներ, դունաթափ, դեղնած շըրթունքներով, դողահար մարմինով: Մուրացող տղաները, ծերուկ կոյրերի մօտ կանգնած: Մեր որբերը...

* * *

Մոմը մարել ենք, պառկել:

Ածուխի դէմքով երկինքը ճակատը պատահանին է կայցրել:

Ամէն ինչ փակ է: Ամէն բանի շուրջ՝ անոդոք մի սահման: Հարեան սենեակներից խրոփոցի ձայներ են գալիս: Ծուրջս հանգիստ քնել են: Փոքրիկ աղջիկս շնչառութիւնը մի քիչ դժուար է առնում, ծանր, անկանոն... Ուշադրութիւն չեմ դարձնում:

Այլատուում եմ աչքերս փակել: Գուն չկայ: Օդը ծանր է, թանձր:

Հազար տեսակ մտքեր: Մարդ եթէ կարողանար գրի առնել ուղեղի մէջ անցնող բոլոր պատկերները եւ մտքերը... Գանկիս ետեւը ծանր կապարի նման է: Գլուխս խորտակում է մի ինչ որ անդունդ: Վախեցած, բարձրանում եմ ու նորից պառկում, նորից փորձ անում քընելու:

Սիրտս կատուններ են ճանգում: Լոյսի արագութեամբ, սրընթաց, պատկերները մէկը միւսի ետեւից վազում են: Տիեզերքը հօլի նրման պտտում է, տարածութիւնների մէջ անտառներ են վառուում, չտեսնուած կենդանիներ, վարի պառու կինը, վհուկները եկել են վանքի մէջ պատարագ են մատուցում...

Կէս արթուն եմ: Ամէն բան յիշում եմ: Գիտակցութիւնս բոլորովին թմրած չէ:

Երկրագունդը անորոշ վիճակի մէջ է: Հսկայ շառաչով ջուրերը թափուում են, խառնըւում, գլոր գալիս: Կատարեալ մի քառս: Ոչ ծառ կայ, ոչ կենդանի, ոչ լեռ, ոչ դաշտ: Ականջներին մէջ մի տեսակ խշանք: Ահազին ջրվէժներ ոռնալով վայր են ընկնում, սեւ ջուրերը լիճերի մէջ պտոյտ են գալիս, եռում, եփում, շոգիանում: Պատահանը բացուել է եւ դիչերը՝ սեւ տարածութիւն՝ մատերի վրայ, գլուշօրէն ման է գալիս: Անտանելի մի հոտ: Ծնչառութիւնս դժուարանում է: Յեխերի հըսկայ կոյտեր, եռալով, թափուում են, գլոր գալիս, ընկնում անդունդների մէջ: Այս քառսի մէջ շատ փոքրիկ մի լոյս, հազիւ նշմարելի, կայծկլտում է: Մտածում եմ, առաջի հիւլէն է: Ինչպիսի՜ ջանք է անում ապրելու համար: Երկրագունդի բոլոր կոյր ուժերը նրա դէմ են: Լեռնաշղթաները, ովկիանները, դեռ խառն, անորոշ վիճակի մէջ, թաւալում են, դրոհ տալիս, զարնում, ճեղքում տարածութիւնների մէջ, եւ հիւլէն ճիգ է անում ապրելու, դիչերուան դէմ դիմադրում է իր կայծը, իր ապրելու կամքը, իր կարելիութիւնների անվերջանալի զօրութիւնը:

Ամպերի նման տարածութիւնները սկըսում են շարժուել: Մոխրագոյն կոյտեր են լողում: Ծուխի ալիքներ են բարձրանում: Գլուխս երկաթի նման ծանր է: Ուժ եմ անում արթնանալ՝ անկարող եմ: Ծունչս բոլորովին կտրուում է: Ականջիս մէջ, խզուած կոկորդներ խռպում են, անքում... մորթուած եղի թոքերը շարունակում են ծանր շնչել ու ամէն անգամ, երբ շունչ են առնում, ամպերը երերում են, եւ հիւլէն սկսում է արագօրէն շարժուել, փողոցում տեսած մի դժբախտ երախայի աչքերի նման...

Արթնանում եմ: Ամբողջ ընտանիքս արթնացած բոլորուել է փոքրիկ աղջկանս շուրջը, որը չի կարողանում շնչել: «Մեռնիլ չեմ ուզում», ասում է, «մեռնիլ չեմ ուզում»...

Գուռը քաց եմ անում, եւ դիչերը ապականուած իր շունչը ներս է բերում: Մոմ եմ վառում, հազում եմ: Ո՞ւր դնամ, ո՞ւմ կանչեմ: Երախաներս, չօքել են անկողինների վրայ եւ, բոմանտիկ նկարների սրտաճմլիկ տե-